

摘藻堂四庫全書薈要

集部

欽定四庫全書薈要

集部

御製詩二集卷七十三

四



詳校官原任編修臣徐立綱

欽定四庫全書薈要卷一萬三千四百

集部

御製詩二集卷七十三

古今體一百三十一首

丁丑八

南巡迴鑾駐蹕圓明園之作



麥登秋穰黍全耕喜氣迎鑾達帝京又此南巡成北返

恰看夜雨值朝晴

是夜微雨

康功災壤憐羣赤勤政明廷接

九卿

懿旨身導心

膝下所欣旬日近歸程

日啟

皇太后駐蹕靈巖以十九
鑾回京午熱緩行計

當遲十

餘日

雨

夜雨微聽枕上聲迴鑾羣趁曉來晴黃看麥熟雖云可
綠為黍苗又惜生却喜雲重平聲鋪碧宇更希澤為去聲倚

前楹農功較比常年美因美翻縈望善情

題郭畀雨梧烟柳用倪瓚韻

疎梧及嫩楊沈著如中酒不宜作畫看草書傳顏柳

御門日作

南巡三閱月勅幾心敢懈叶問民晉岳牧諮政接寮寀
驛章按程遞批荅或至亥庭對雖故事愛禮正茲在迴
鑒所先務百爾共亮采念彼勞始逸勗此敬勝怠周易
有名言乾惕時自宰

西直門外

麥率登場黍蔚塍懷新佳趣入吟憑奄觀今日誠堪慶
歷比常年得未曾更冀為霖霈膏澤益殷祈歲勵冰兢

先憂用是憂恒切後樂緊吾樂豈能

齋居

鵜首星臨次義車日最長辨方慎水火協紀驗柔剛雞
漏報遲箭龍舟罷遠塘端臻緣必

祀詎為度端陽

是日正值
端陽節也

題范寬行旅圖

山容雄勝秀水勢急非寬大是北方景誰歌行路難風
疑生萬葉雲欲出遙巒簡淡四家法於斯鼻祖看

偶寫寒山口號

腹藁寫寒山聊乘片晌間所懷寧止此九寓寸心間

夏至

北郊禮成述事

年年躬

祭典速速命歸騶八變成池奏六宗

殷祀修山疊喬雲飾況齊瑞蘭浮茂對欽調助寧惟端冕旒

恭迎

皇太后車駕至

暢春園得近體一律

方山佳景似西池

養志因成小憩遲順

旨遄歸勤大政問

安頻遣繫遐思歡迎

鳳輦臨長日恰駐仙園協清時廿日寸心縈頓釋階萱

庭柏總含怡

雨

五月十
二日

春月屢霑澤北畿得罕聞自我過德水晴久路飛塵二
麥景實佳禾黍遍耕耘人稱不雨好此則就麥論究之
大田多甘膏豈辭頻遵途返皇州殷祀已躬親驟雨雖
每零尚欠優渥云為是亟希霽如常此望雲展轉祈歲
憂共我那可分連朝膚寸濃霖霖流天津覘土已接潤
簷溜猶滴茵適可仍惜止稍慰詎敢欣喜少愁恒多仔

肩萃吾身

題王炳倣王蒙松路仙巖圖

松路仙巖王蹟真倣臨一再得精神藝惟師古過時輩

因悟菁莪作育人

炳學畫未十年
臻此以為難矣

木根如意

生意青山昔枯禪白足家天然愛幽素俗製謝雕華器
擬辭林竹形如出水花時晴復時雨所願更何加

麈尾雖同品何曾王謝家竹如贈僧紹木可悟南華月

挂千秋鏡天霏四座花山中設九錫談柄定須加

涿水曲

涿水冬夏涿澗中青藻梳誰云無所藉雨過漲滿湖

攜手曲

白者知為馬牝牡猶待選黑者知為烏雌雄更難辨置
酒三層臺新聲颺宛轉密席近攜手低語通情款情則
各蘊衷對面千里遠

夜夜曲

夏夜苦短冬夜苦長河橫斗直東參西商豈無美酒戒
之在旨豈無清歌聽不為喜中宵起坐曰有軍書機縈
未中遙望踟躕蘭室之溫沙塞則寒自我懷斯於今三
年

昭君怨

昭君出玉關回首遠家山雙眉底頻蹙勝怨不勝顏
龍沙去去臨鶴禁行行遠何如荆門村修竹倚秋晚
賂匪黃金輕命是紅顏薄不然毛延壽何能消美惡

趙伯駒春山

古寺雲霞嶠人家桃柳村精神北宋本結構仲長論大塊文章續春山櫟括言不須問名氏望可識王孫

驟雨度池塘

驟雨度池塘烟光接水光既優亦既渥覺熱頓覺涼柳絲及葦葉妙趣含蒼茫憑欄有餘興命舸泛瀟湘豈在邇神會無彼此忽憶麥報秋久霖戀青矣

麥熟後宜晴遇

連雨刈遲則顆粒不堅農家謂之戀青有減分數

因之復望晴曾無半日喜

太液池泛舟

朝晴夜雨果然宜
淡施紫霞

名舟

泛液池底識甘膏南畝

渥堤楊猶帶露珠垂

冬宜紫禁夏宜園
還蹕因掄新狀元
籲俊勅幾慰雨後
趨臺薰景便中論

文徵明竹樹即用其韻

蕭落槎枒各有神
新蕪詭石靜無塵
物猶擇友兩相得
應笑燒琴對畫人

同豫軒得句

太和詰旦御臚傳西苑更衣取靜便
雨後峯姿都渥若
風前竹韻特悠然
窗臨闌闌民藏富
治協柔剛志體乾
同豫端知在時若
敢因怡肆益因虔

聽鴻樓

不必拘春不必秋
長天目送響悠悠
若於沈約詩中會
擬合更平聲名八詠樓

進舟長河至昆明湖萬壽山

爽進輕航細雨餘長河今歲是權輿麥登場好黍雲蔚
桃謝隄芳柳綠梳萬景已欣吟不盡三吳那更較何如
昆明亟待親沿賞過眼其他姑舍諸

鳳凰墩

泛舟不是梁溪路舉目緣何皇甫臨

是處傲無錫
皇甫墩為之

結習

也知未宜著勿能忘者憶民心

昆明湖泛舟至萬壽山即景雜詠

界湖玉螭飲漪波上下天光一色多我適餘杭返巡蹕

那更蘇氏較如何

湖濶微風亦作濤錦帆不藉進長篙今春雨足畦餘水

贏得昆明漲影高

昆明湖蓄水以灌稻田每當春雨缺放水溉畦湖內或艱行舟今歲雨

足故湖水甚富

宛轉長隄夾鏡臨六橋一帶雅宜尋景明樓畔青青柳
未見含烟早鎖陰

香錦盈盈微露鮮雖無麴院有風蓮此中神解都知否

十景應教圖補全

春月西湖尚未開荷花故云

夕佳樓

山氣橫窗水氣浮
揣稱名署夕佳樓
漫云津逮陶彭澤
還覺當前勝一籌

萬壽山即景

松風宛是去年聞
偃蓋新添翠幾分
隔歲山容忽入夏
閱時塔影漸橫雲

時構塔已至第八層尚未畢工

峯明湖秀誠雙絕

越角吳根擬慢云
即景非關動生戀
可忘向日衆情殷

靜佳齋

簷隱樹龍蔥階棲巖崩方借與周濂溪於中圖太極

構虛軒

蓮宇冠層峯別嶂此最迴何必盡居佛構軒習吾靜遊
與顥氣俱坐覺小年永澄觀理氣機妙契神明境泊然
室生白曠矣窗含景獨惜無多暇恒此天倪省

袖嵐書屋

嵐懷屋復屋懷嵐虛受還教愜靜含安得總忘憂樂事
喬仝攜手箇中談

再題李公麟醉僧圖

身似枯藤心似灰
醉中把筆笑顏咍
公麟津逮僧繇法
貌出公孫看舞迴

賦得夏雲多奇峯

得峯字
八韻

本是依峯出因之肖碧峯
請看原觸石何必定從龍
為一抑為二若離還若逢
嵯峨形盡幻晻靄勢方濃
丁斧何能展虞歌或可庸
城疑現乾闥窗擬列芙蓉
矗矗方迎目英英早盪胸
縱艱興寶藏為雨利三農

陸師道雲壑松濤

亭子臨蒼巖嵐靄朝暮接下帶石泉寒上落松風颯作
者頗有意不以人蹤雜請君忘耳觀聽彼相問答

急雨

五月廿二日

午熱特劇鬱溽蒸廣廈弗爽炎風仍祝融夏德雖云信
是日小暑節三農曝背誠可矜重基礎潤有明驗須臾西嶺

油雲興陽侯列缺各施技密織空羅知幾層解煩滌暑
只頃刻絺綌覺薄紗衣增麥已納困黍怒長但有喜對

無愁憑其然，豈其然乎我。正憶軍書愁弗勝。

宴坐齋中成詠

江浙望晴晴，閩粵望雨雨。其餘各稱時，額手慶農務。誰云此一室，每因周九寓。報豐不為喜，恐屬飾言附。告災輒為愁，調濟敢靳固。人情閱知艱。

天眷承益懼，永言持此志。庶不至大悞。

賦得動復歸有靜

得為字
八韻

俯仰探元化，卷舒理可推。乾坤雖示象，天地本無為。靜

固動之始動還靜有期貞元由遞嬗根柢必歸茲春鳥
能言後風花罷舞時雲成峯定幻川至海何辭詎是攀
舟壑奚妨試管蠡五千標與旨謝客要能窺

惠山園即景

偶稱寄暢景因涉惠山園臺榭皆曲肖主賓且慢論饒
他千里近消我萬幾煩正爾參金地陡然憶玉門

墨妙軒

茗華繼閱古

樓名以貯三希堂法帖石刻其續摹入石者則貯墨妙軒

公好

去聲豈藏

珍慢自方食蔗寧當云積薪烟霞相潤浥賢哲會精神
揭要過庭論誰歟步後塵

題嘉陰軒

高槐閱歲有嘉陰傍樹開軒具四臨不礙觀山解蔽日
箇青雲士稱人心

仇英梅逕尋詩圖

玉想丰姿鐵想腸橫斜疎影蘸銀塘高人倚樹抒吟思
落筆應知字亦香

詠玉鐲

何年玉畫軸
欽手中規輪
可用資三獲
寧稱挽六鈞
取材率因舊
得句亦從新
比似蘇公硯
東坡謝人送硯云
吾兩手其一解寫
字而有三硯
何以多為
猶然愧古人

恭奉

皇太后御園觀荷之作

曰暘曰雨以時應
五沃欣邀

懿賞憑香泛沼池
西地錦爽延窗戶
玉壺冰

景禧綏履如川至藻句題屏與歲增

慈顧尚詢三捷報憂勤敢忘益兢兢

夏日悅心殿

綠樹重陰曉露濃
崇基朶殿暑安容
視朝每座勅幾要
因視朝預
日進宮
駐輦偏懷修已恭
瓊島罨圖峯
翠嶺金黿夾
鏡水沍溶適來策騎城西路
聊合於斯悅為農

泛舟至瀛臺即景三首

玉螭新修飲練橫
御河橋以年久
輕舟直擬達仙京
由重修時方告成

來太液一池水三海何人浪與名

橋北為北海南為中海過勤政殿紅牆為

南海蓋明季相

公即有此名

黃頭緩着盪蘭橈為愛芳荷浥露饒襲襲清香無近遠
蓬瀛猶在錦雲標

補植高桐出老枝團陰障暑綠參差墨壺書策三庚靜
正是當年敬業時

春耦齋

春耦鄰豐澤田犁歲演公代耕因展義

今春因南巡例以苑丞代耕

即目每祈豐暘雨今年若黍禾夏日芄五牛致十五

中齋

貯韓滉五牛圖并項聖謨蔣
廷錫所做二卷共為十五云
考收可因通

虛白室

石縫五丁開假山具真理黃緣步仄逕虛室壺天裏誰
謂既狹間曠望莫可揣讀我西銘篇顏彼南華子底須
辨異同吉祥受止止

愛翠樓

種竹猗猗已作林高樓出竹翠雲侵虛窗不礙踈還密

詰逕何妨靜以深
豈止坐來滿清聽
每宜望去愜幽襟
河陽寄傲非吾事
耐可薰風一撫琴

王紱山水

峭壁干雲聳羊腸
幾曲盤勒驢臨陡
峽破石出危灘漁
父吟罾罷闔家笑
語安當前勞逸趣
不著語憑看

喜雨

六月初七日

弗雨過旬日希霖
又一時油雲纔布
絮膏霽遂婪絲洗
滌炎威赫滂流愷
澤滋黍華利結實
稻秀起將姜簷響

寧教久漏聲那礙遲朝簪羣候謁此喜不為私

夏日討源書屋

問

安宜夏清退食正辰牌於此常勤政諸凡敢懈懷荷清
香到席松古爽延齋理趣

堯年示瞠乎不可階

詠白蓮

銀為世界玉為臺藕是西池阿母栽不染汙泥空豈染

那裁錦繡練斯裁雅宜綠葉高低襯每與紅葩隔別開
看到色香清淨處直稱六月水中梅

題文徵明紅葉漁梁圖即用其韻

繡繪崑峯瀑帶岡秋光人意兩茫茫停雲若貫惠山酒
問渡應知溪號梁

落葉松

松有落葉者乃在興安北其山夏積雪風勁善蕩滌是
木性宜寒翠雲盤崩劣而頗羞獨樹與衆同凋寂崖口

向已無關內何能得我命帶根移培平土固密既因順
木天遂如轉地力奇峯詭石側森森助景色材豈限於
域由來繫培植

寓言

四足胎而生兩足卵而育間亦有相反大同而小獨

一解

羽者孚以長

上聲

外白其中黃造物有神權自然含陰陽

二解 鷺鳴與埒雞六畜本一例而何巧拙殊伊誰令愚智

三解 雞巧善翼卵鷺鳴每不能人審知其然果羸格物情

解四 持將鵞鴨卵雜置雞卵內牝雞乃不猜一一為撫字

解五 啄殼忽成形顧復多慈情唼藻入水去雞悵非已生

解六 鵞鴨豈真拙藏拙他代勞鴻雁與鷓鴣抱殼禿翰毛

解七 覽物得奇會吐哉彼癡雞翼其白公勝寧非汝子西

解八

徐賁閬州山水卷

江邊握手別情多圖出已岷遠岌岌一棹溯洄問何處
萬重山昔謫仙過

含經堂對雨六韻

作勢徐還急灑空密復疎甘膏真渥矣炎暑總湔諸錯
落成珠宇清涼滿玉除排簷疑瀑布躍沼得飛魚所喜
宜良穉亦還讀我書有如時雨化經訓此菑畲

泛月

池塘暑雨過鴉背斜陽翻蘭舟宜泛月水風爽且寒是
時恰望夜圓魄出東山素輝流入懷可寤不可言絲管
厭繁會山水尋清歡清歡未云已馳情忽萬里三軍枕

雪戈一輪應共此怍然命返舟露布佇報喜

范寬仙山樓閣

雲樹自重重蒼巖壯且濃由來傳北派未覺讓南宗
禪不參黃蘗仙應居赤松可能容意入擬上最南峯

昆明湖泛舟至藻鑑堂

視事餘清暇昆明一泛舟棹穿錦繡浦堂據鳳麟洲
到此暑何有于焉興每留衡材將析理惟是愧前修

賦得涉江采芙蓉

於昆明湖上
作得江字

開澤緣儲水平湖可號江
富開花似錦疑是藕如艘
入畫臺成疊呈祥蒂纈雙
三閭曾葺蓋洛浦乍移幢
愛惜輕沿棹徘徊朗啟窗
香因波籟淨韻使陸華降
佛土光明藏漁歌欵乃腔
採真詠古作擲地尚金攄

玉河泛舟至玉泉

平湖雨後似生潮
山色源頭翠不遙
耐可進舟乘潤爽
石橋恰過第三條

蝸廬解舍學江村
桑葉陰陰曲抱原
詩意畫情神會處

疑披合幅閱王孫

舟向界湖樓畔維峯姿巒態雅宜追芙蓉舊跡尋不得
塔影橫雲又一時

偷閒攬景亦尋題江硯宣毫侍者齋絕勝常年憑賞處
稻塍禾壠綠雲齊

題倚晴樓

快雨連宵欣快霽玉河沿溯玉泉迎巖樓構築初斷手
吾亦因之號倚晴黍稷下蔚生意山容水態都怡情

西山復見雲縷吐北漢惟期露布呈一喜一慮一憑覽
喜那勝慮方寸縈

雲鶴岑

深山大澤之中間雲野鶴從容玉泉咫尺何有吾意依
稀畧同

詠半舫

屢屢臨漪瀾有室築其頂雖乏月帆槩雅近烟波景舫
用實則無舫要畧可領書生滕閣上漁父桃源頃其半

正相同倚蓬發清省

棲霞室作

倚巖久矣三間小憩每因寄閒自愛嵐靄朝暮非關慕
蘭攝山

卷舒幾縷綺散暎帶羣峯翠含一晌風來窗北亦如身
在江南

涵漪齋

臨水背山處夏深雨霽時幾閒聊選勝景謚恰延思荷

氣窗間遞蔭光座上披澹懷憑有照妙理契無為

飛淙閣

引水飛流落碧川韻天琴鎮在窗前瀑簾何必康王谷
愛此淙淙近且便

練影堂

一泉分數派面勢得兩間落崖猶曲折入沼乃潺湲無
礙聽時靜雅宜對者間把卷消清暇初唐格莫攀

竹繪屏

蘭

巧匠裁文竹圖成蘭蕙叢
削如出輸子畫不藉文同色
帶渭川質香飄楚畹風
天然諧氣韻砌篠翠相籠

竹

竹屏還繪竹離合箇中看辭澳
知幾日猗茵又數竿
參差月留影彷彿籟生寒
昕夕對清節還如銘座端

王蒙山中訪友

杖策溪橋度石磯
春烟潤逼薜蘿衣
主人早倚筠窗待

莫遣門題鳳字歸

立秋日作

代謝弗停運金行速置郵緒風尚婪暑協紀又迎秋玉
宇雲容淡銅仙露氣浮西成雖可望未定豈無愁

即事

我臨江浙慮雨多及別月餘復慮少近聞膏澤始渥霑
溪田率已芄杭稻徐沛始終愁殢霖旋涸旋種旋行潦
豫南四郡大都同

開歸陳許四府州皆苦積潦而歸德尤甚地方大吏率諱匿不報今春南

巡途次察知立
命查勘賑卹

諱災獨未被恩早向隅尤予所廩懷賑

救疏淪策勤討燕齊今歲慶時若晚田再雨纔稱好一
念九寓不遑寧八珍方丈安能飽

題管道昇紫竹庵圖

緣結非色空語參無義味却嗤咏絮材未脫鄉媛氣

急雨

六月二
十八日

婪暑邇日騰炎威晚田望澤枯欲萎前此時若恐虛擲
我心憂愁如調飢密雲佈宇只頃刻艮風坎雨相招攜

金官白帝施號令素輿玉馬珠旛旗玉女投壺天帝笑
鞭馳列缺豐隆隨前日火流疑未盡一時湔濯驅無遺
泉弱湖消池待竭須臾漲影將平隄水亭空濛眇烟景
生寒忽欲添紗衣利農蠲疾人心悅吾亦因悅非虛詞
軍書適報有佳信適得軍營來報偵知叛賊阿睦爾撒
納踪跡甚近參贊大臣富德率衆奮
勇追捕計佇待獲醜班貞師

日就擒

題錢選紅白牡丹

白如飛燕瘦紅是太真肥相並春風裏忘年國色頰

已是絕倫類，還因恨自家。被人稱富貴，緣未洗鉛華。

七月朔日作

羲御臨西陸，靈臺報白藏。夜分辭夙暑，晨起覺微涼。露
滿盤千尺，雲披錦七襄。雨過餘潤氣，霽斂澹烟光。荷沼
紅成紫，禾塍綠欲黃。拂簷高樹朗，繞砌雜花芳。綺閣聊
留憩，芸編可就將。碧霄纖翳淨，嘉兆慶宜暘。

題明宣宗畫魚缸

魚樂非關濠，上尋玻璃缸。影露浮沈看，他响藻乘波趣。

頗見民胞物與心

池上居

引流藉高水曲折成石渠注池得半畝爰鑿龍首疏池
上何所有文軒碧紗幬池畔何所有九松翠鬱扶步廊
三面圍其外乃後湖湖亦豈大哉池亦豈小乎誰復辨
異同惟以資灌輸是時新秋霽煩暑逃如無澄景又一
時觸目皆清殊迴思數年來憂樂每與俱樂覺未滿眼
憂若常盈軀展轉被境遷寧云見道徒咄哉吾言失先

憂原屬吾

翠微堂

倚巖樹古綠陰森樸室悠然稱道心
開著近西牕遠望西山也見翠微深

陳仲仁山水

萬葉紛秋色千巖落瀑聲丹青誰不
解難是箇中情
新秋玉泉山登眺

半夜西風雲縷空碧天曉景清如洗
借問望秋何處宜

玉泉朗翠近尺咫輕輿郊路不生塵露霏黍阪香迎人
三時雨暘塵較量對此能無意為欣林泉明秀松軒爽
坐來心結青霞想傳餐視事率已罷乘涼山徑攀蘿上
冠峯書室憑嵯嶢因悟得逸恒於勞皇都保泰思圖永
西海銷兵慮企遙堵波重構伽藍護似是金源建亭處
廢興千古為慨然俯仰一時屬偶遇

創得齋

山之複更水之涯領要軒窗納衆奇為不頻來如創得

欣於始遇每如斯

近青閣

高樓清曉霽秋烟
罨牖巍峩峯一朶蓮
若曰其人當姓李
擬因津逮却瞠然

麗矚軒

玉泉最高處趁爽一登來
幾暇崇情託清秋
麗矚開黍華彌繡甸
桂粟吐瑤臺古北憑窗近
行將獵騎催

靜怡書屋

書屋玉峯西憑高望若低於斯臨更下又覺鮮相齊理
趣恒供會靜怡微識倪迴頭看麗矚句在白雲題

題沈周桂花書屋圖

幽人結屋桂花陰葉葉綠瓊穗穗金彼自悠然無世念
小山動我白駒心

初月

伏火西流盡生蟾秋始看影纔一彎細意早十分寒幾
處驚鳴杵何人倦枕鞍渠魁猶待馘絕域可云安

即事

宜雨又宜暘籌農念畧康豫齊愁雨潦

今年六月中河南之開歸陳衛

山東之兗曹所屬縣

徐沛塵河防

徐州為河流樞要淤沙淺阻積年為害今

多以靈雨壞田廬春親臨閱視亟命大臣經理為久遠計

仍是憂饒樂那論暫與常勅幾忙

失學慙偶對縑緗

王蒙松窗高士圖

澗邊濯足還聽瀑閒著松窗一事無借問伊人何姓氏
非愚公定是潛夫

西直門外

曉日鳴鞭露氣濃如雲多稼蔚丰茸雖然未是腰鎌候
此景常年得鮮逢

春雨頻霑夏若時築場早黍看如坻聶夷中句尋常憶
救急欣先一月期

秋日承光殿

朶殿居中七寶欄層城規擁一輪團秋風太液漪瀾暎
祇訝人遊是廣寒

嵌巖室

假山似真山，巖薛亦岨嶬。結宇依峭蒨，時時落花雨。會之乃不窮，卽之復無所。人境誰使然，於斯難著語。

植秀軒

伏中移竹罷，雨後到軒初。清聽入窗牖，疏觀映砌除。寧惟將俗遠，兼可學心虛。設以菁莪擬，育才亦起予。

環碧樓

一樓一室各稱名，得概隨方自會情。著語再三率因便，

搜題左右不妨生重陰疊翠地無隙玉露金風天與清
最喜近郊堪縱目村村寶穡望西成

進舟長河過樂善園戲題一韻二首

今年兩度泛長河曾未停舟徑直過樹石有情能不語
主人何事太忙多

舊園重葺近臨河憶始經營每重過早識往來率無暇
向來位置底須多

由昆明湖泛舟至鑑遠堂作

石橋迴望綵虹橫勝處維舟一倚楹鑑遠試吟親切句
適來真是鏡中行

題無盡意軒

背山臨水最佳處玉露金風恰好時屏展吳山十六景

意無盡偶亦如斯

軒屏圖吳山十六景張宗蒼所畫也

石丈亭

得石號丈峯顏軒取米老蜃窓眇烟波蒼茫復浩渺襄
陽墨戲半真贗真者如斯歷劫好

繪芳堂

境是先天境堂名後素堂羣芳自設色大塊假文章榮
謝亦何有虛明本若常饒他粉壁畫四季景隨償

惠山園

園學秦家寄暢心

秦園名寄暢

閱時筠木亦陰森由來日涉

纔成趣却我幾忙率偶臨雲斂琳霄目因迴水澄蘭沼
意俱深靜觀別有相應處理趣當前不藉尋

題盛懋山水

蒼山白雲外茅屋竹籬西牖下閒談古船頭獨泛谿神
傳殊朗朗意潤轉淒淒拈得其中妙依稀是仲圭

詠木孟子

囹圄木孟子巖穴出何年雖謝根茲地仍全貞素天績
雕曾弗藉樸雅尚如然大隱射其覆為君喻以圓亦非
事斟酌可與共周旋真率長生示吾懷工部篇

題王蒙松谿草堂圖

對坐茅簷下誰能賓主分高談為底事不可得而聞

自驚

彭城夏孟閱河工小設施救弊而已河高隄卑乏善策
伏秋大汛惟時矣南望無刻敢釋心生靈億萬所攸恃
詰旦問有南來章河臣限馳四百里喏哉此恐非佳音
啟囊怵惕忙披視乃議曰修治河疏郵傳原屬遵吾旨
河臣奏至限行四百里乃急報也閱之則侍郎裘曰修
治河疏命河臣督臣定議驛聞者傳遽實遵前旨耳
捷芟惟固沙更刷額慶吾民蒙佑祉自驚自致自復慰
近臣那易知有喜

沈度山意衝寒欲放梅圖

老幹橫斜倚碧峯雪餘春意已春容斷橋西畔孤山後
大得其神惜未逢

遣悶

遣悶成言莫喚詩底須得失倩人知禹湯文武政如彼
孔孟程朱道繫誰四海非遙方寸蘊萬民之衆一人治
思量那有閒心緒更逐風雲月露為

趙孟頫高逸圖

詭石長松境不凡華陽中好謝朝衫伯倫似與仲容晤
促向林中撥阮咸

松花石屏

質似峯山玉磨為敞座屏清防名雅稱畫飾俗堪停明
厭瑠璃脆暗通風月靈勤思班伯對亦可藉為銘

題卓迪修楔圖

茂林脩竹此間多展卷居然晉永和千載由人摹楔帖
孰傳骨髓孰傳訛

賜江蘇巡撫陳弘謀之任

東南繁劇地撫治寄賢良為我蘇徐海宜民簡召

信臣王

成允惟力溝洫方可課耕桑實政斯應樹虛名尚謹防
一心要於敬五字示其綱勗爾推行善芳同桂嶺長

題陳書荷花

濯連色不妖微露香都淨能底神韻傳伊人本蓮性

哈薩克稱臣內屬遣使進貢詩以紀事

有序

哈薩克即大宛也從古不通中國雖漢武勞師動

衆僅得其馬猶且動色頌功斯何稱焉去歲我師
因追叛寇阿睦爾撒納直入其境哈薩克撤帳驅
畜遁去數千里朕以絕域駐師非計也命撤師哈
薩克悔其為阿睦爾撒納所賣謀擒之以獻而奸
賊復自哈薩克逃迴準噶爾乘噶爾藏多爾濟已
雅爾等之亂鴟張嘯聚今春我師重入伊犁問罪
則噶爾藏多爾濟已被其姪札努噶爾卜所害而
札努噶爾卜又為阿睦爾撒納所襲僅以身免我

參贊大臣富德率師窮追阿睦爾撒納已雅爾適
與哈薩克師遇哈薩克不敢犯我師顏其汗阿布
賚隨遣使稱臣入覲今已雅爾已獲阿睦爾撒納
亦不日成擒即或竄入哈薩克而哈薩克亦約縛
之以獻喜銷兵之有日爰點翰以成辭

采入伊犁靖陸梁鯨鯢懲逆武維揚已看頡利成生虜
又報洛那歸職方致馬本非如武帝閉關未得學蕭王
更欣願縛渠魁獻載戢干戈日月光

趙孟堅水仙即用其韻

評量卉譜合稱仙脫俗離塵意洒然不與荷花爭夏日
為他微有淨中妍

御製詩二集卷七十三

欽定四庫全書薈要卷一萬三千四百一

集部

御製詩二集卷七十四

古今體八十九首

丁丑九

秋日奉

皇太后幸塞外啟蹕之作

潤塵夜雨聽深更啟蹕旋看放午晴最喜晚田滋玉粒

恰宜新爽應金行誠輸屬國咸來覲

每歲行圍木蘭四十九旗蒙古及喀

爾喀例來謁因以行慶施惠

澤浹大宛初受盟

去歲我師至哈薩克本為追我逋逃並非

有害於彼故今歲即遣敬奉
使來降將至山莊宴賚

安輿行慶典歡承

慈壽祝山瀛

駐蹕石槽行宮即景

蘭臯柳陌擁千廬樸斲離宮一宿居馬識旌竿行意速

凡馬將近駐宿處行必速以貪
解鞍休息也物皆有知信然

鳥窺窗戶喚聲徐鼓車

計里由旬近蓋樹成陰半畝餘歲歲秋蒐寧適已繩

先示後並殷予

納稼

今歲雨暘時納稼較常早遺稂及滯穗堆場頗覺好然
此近畿况未足慰襟抱幸近而忽遠詎合為君道豫齊
及畿南夏霖歎行潦禾頭復生耳安可冀萬寶賚金甬
室廬涸地安障堡庶幾可播麥明歲夏熟保又聞關外
旱為之虔雩禱雖即沛甘膏難期四鬴飽逢歉視傷多
遇豐為惠小調劑懷萬方少喜饒煩惱

彭城

去歲彭城決上流以致沙淤凡五尺踊愁今歲修防難
夏初臨閱為憂劇增高培薄填螳穴騎牆且救燃眉庀
水工忽報沙已刷去三存二好消息有刷寧保無復渟
二分況苦猶然積北來此意那能置伏秋大汛期旋迫
億萬生靈命所繫南望塵懷縈刻刻伏汛已過白露近
章閱河怙手加額夢麟近自徐沛來合之大吏言如一
皆云其二近又刷中泓深乃如宿昔北門水誌我所設
河工設水誌以驗水勢消長向皆自水底測算如云長
丈七八尺者其實所長不過四五尺初無定則今年閱

河徐州北門命乘舟中流以量河身深淺而北門水飾誌惟量出水高下則可得汕刷淤停深淺尺寸之實辭誰能為損益尚待秋汛報平安此時未敢心即釋

五更

五更軍書至云速六百里宵衣急披閱乃知報捷喜呢

嗎已俘獲並繫其妻子去歲重猖獗禍魁實曰此札努噶爾卜倡和如魚水執魁訊厥蹤云亦就拘矣乃因彼

中亂操戈同室裏達瓦及渾齊

二台吉名

縛獻贖罪已

呢嗎與札

納噶爾卜同謀戕殺噶爾藏多爾濟而札納噶爾卜旋為阿睦爾撒納所襲頃執呢嗎訊之則札納噶爾卜又

為台吉達瓦渾齊所縛以出痘尚未來獻

先是我北軍早擒巴雅爾亂首大

半殲所餘惟二耳哈薩克錫拉組頸期可指阿睦爾撒

納喙息尚逃死斯實魍魎渠亦失三窟恃

阿睦爾撒納竄入哈薩克

竊馬遁還揚言哈薩克助其兵力以煽動逆黨佇待白

近哈薩克汗阿布賚遣使稱臣約擒逆賊以獻
練牽絕域兵革弭

出古北口

秋獮歲常經巖壑悉曲折臨洮及瀛海一帶如眉列廢
興懷千古守德可無設即今乃外戶何用增築缺關外

夏報旱赤地愁龜裂為之祈甘霖雖霑恐過節按轡茲
歷覽殊與所慮別山巔固稀種種亦多天札稍下及谷
中芄芃原穗結十分則已失仍可望七八所以市廛間
米價原一轍前途則未知詎可即怡悅

至避暑山莊得句

山莊臨上塞

皇祖具深猷最是承

恩處敢忘繼

志謀諸藩羣入覲蘇對遠來投

蘇對沙都即大宛見史記

待至將行

慶

貽麻庶少酬

清舒山館

林扉不用尋山複水之尋又是秋清候依然向會心窓
含千軸畫壁有五絃琴一味寧耽靜舉頭

舜日臨

宿雲簷

蔚若真猶幻悠然散復凝白雲應笑我常宿此何曾

寫心精舍

精舍傍花宮面勢向平楚構室就喬柯結宇依淨土不
聞清梵音雅愛幽禽語間者有餘樂予惟無逸所宵旰
念民瘼拮据繩

祖武偶藉詠卷阿寫心良可覩

秋熱

關外逢秋熱忽如夏杪時葛收箱欲換扇行篋重持每

逐含風爽還思蒸雨滋

天恩各知否華黍待成遲

雨

關外夏雨少山田早憂旱遣祈即霑澤稍救嘉種晚谷
中綠迴蘇黃萎惟山坂邇來歷歷看歎狀嗟盈眼晚蕎
及秋菜皆可濟餐飯既蘇復待滋為之愁展轉夜雨聽
枕上聲細意不滿陵晨巖雲重作勢續復斷蓄極乃大
霈一洗餘威暎隨處為祈年詎止恣遊行

陸治叢蘭圖

潤浥露華新
猗猗水石濱
微知作者意
楚頌緬騷人

永恬居

雲間欲歸牖
山翠每迎檐
景趣來來別
詩題旋旋添
梓

材養

昔引蘇對化
新霑佇待縛
渠獻逆賊阿睦爾撒納復投
哈薩克軍營阿布賚欲

縛之以獻逆賊竊馬挾六騎
夜遁阿布賚窮追指日可獲
干戈戢永恬

澄觀齋對雨

幾架倚峻嶒出塵秀絕勝衆觀呈靜會吾意與秋澄細
雨歇還落殢雲散更凝所欣滋晚稼無礙峭涼增

雨中觀瀑

懸溜石林表天然大壑叢落來不離即接上祇空濛聲
色歸真靜襟懷泯異同靈源定何處左右白雲中

晴

密霖兩日極優霑既雨宜晴意為快玉宇迴澄斜漢影
絮雲已避遠山尖樹將暖旭輕籠牖花與香風並入簾

稍幸樂成憑閣望晚禾半得有秋占

八月朔日作

天光澄絳河雲影斂青螺最是仲秋屆偏饒塞景多對
時協平秩

昔日此卷阿霽色生餘暖還欣利晚禾

千尺雪題句

溘溘淑淑復溘溘遠帶雲林近繞階松竹有聲三友別
陶匏不奏八音諧秋風秋月常如是江北江南底各儕

小異支硎千尺者襄陽抱宿託高懷

皮日休有抱宿支硎雪之句

賦得風泉滿清聽

璇題標五字巖室護千靈度牖秋風颯侵階泉水冷自然相問答雅合託高冥契理皆堪會忘言頓入聽漪瀾猶習習含籟復渟渟觸景緬

堯軌非關企孟亭

妙巖室

有序

乾隆乙亥平定四衛拉忒諸部落皆尊敬黃教故

肖西藏三摩耶式建普寧寺於山莊之北置室其
旁以為憩息之所名曰妙嚴而係以詩

疆拓因來四衛拉寺營爰肖三去聲摩耶花宮具見嚴而

妙別室還饒清且嘉彈梵禽音出松架疊屏山翠入窓

紗即聲即色皆香氣童子當年悟未差用楞嚴經語

素尚齋

幾灣流水幾橋樁嶺複間齋宛在茲蓄目高秋原恰當
印心昔景不曾移蕭然自是樸斲好紛彼何煩藻績施

詎止崇情愜幽賞風聲敦俗要於斯

細雨

細雨剛經五日纔灑空
雲霞復徘徊晚田恰喜蘇
秋後野老都云帶澤來
遠浦烟輕紅泛蓼斜蹊濕
重綠漪苔

祈年法

祖吾恒願慶慰寧關天馬徠

是時哈薩克頭目頻有投順者已遣使在途尚未至

云

頤志堂

屏峯曲抱林廬鏡渚清涵綺疏或牝或牡過鹿曰潛曰
躍任魚枕流漱石非彼對時育物惟予悅目無過山水
賞心祇有詩書

遣懷

豫齊數郡灾賑調亟籌畫遙心繫淮徐沙刷幸免虜畿
南乃波及昏墊為愁劇關北復遭旱吾來始霑澤三輔
雖有秋遏糴非良策所以粟轉貴

天恩殊可惜

近京一帶自春徂夏晴雨應時秋成可稱
豐稔因畿南被災商販轉運歎處取利而

關外歎收又無入口之米昨京尹一心周九寓曾無可
奏秋收九分而米價轉貴者以此
逸隙山莊縱自佳耽佳豈可得

玉琴軒

神漢注陂陀左右環交屬樸斲恰構茲階下醜紆曲不
盈亦不竭非笙復非筑揣稱號文琴酌聲擬哀玉造物
自成連移情在澄穆

初月

初見中秋月還於避暑莊一鉤清不盡萬劫朗如常溪

水依微激巖林掩映蒼倚吟蕪罽望那礙晚風涼

即事

衣試輕寒添幾多野流無定繞陂陀綠雲底事紅霞襯
始悟巖楓宿雨過

山行

山行不用命中車散步尋幽亦足嘉漲影過橋留耕莽
曦光落澗起烟霞園中晴雨峯峯別塞外暄涼日日差
何事未曾忘結習觸懷便擬試吟義

桂

一種皐塗試塞風清芬淨質玉瓏璵春華秋實尋常勝
燕北江南訝許同芳信不孤八月節幽襟宛憶小山叢
關河漫道遙艱致都在冰輪朗照中

八疊中秋帖子詞命扈蹕詞臣和之

有序

玉宇宵澄月屆秋中而愈皎屏山雲斂地臨塞上
以彌清不有新吟何酬令節聿溯宜秋綵帖裁詩
肇自丙寅駐茲避暑仙莊賡詠續成丁卯嗣是磧

山帳殿載舉前規時當太液秋風咸循成例環周
一紀冰輪常映冰心疊和八巡勝賞仍於勝境益
廣詞林之典故並增歲紀之華編

令人喜亦令人閒端正何須藉斧刪塞外偏饒風雅地
試看玉鬣上錘山

三千世界一輪光金粟依然發淨香妙趣風人如會得
解頤應勝鼎來匡

藉甚丹青命畫師曲屏八疊恰成詩湧金漫說錢唐好

一例冰光漱磧池

山高底事上層樓又紀清光丁丑秋風景皇州爭較異
綵棚瓜餅貨街頭

八月十六日熱河啓蹕木蘭行圍之作

山莊節過桂花筵哨鹿期臨八月天爰以及時發警蹕
底須好逸戀林泉虞旌獵騎行招引舊屬新歸相後先
更待貴山使者至大蒐嘉與惠威宣

山村

山村歷巡農築場納稼早問雨夏曾霑稍救青苗槁所
以秋成況較迤南頗好額慶為茅簷庶得二鬴飽共喜
室家完且免租賦擾括田亦奚為藏富原有道

谷中

谷中落雨高山雪向北應知氣候涼陡憶熱河遙隔嶺
迴蘇晚稼未登場急教巡視馳烟驛且課倉箱歷野莊
彼此原多遺稊穗便斂峯玉審何妨

入崖口

九曲伊遜出峭崖

伊遜即蒙古語九數也是水發源木蘭中凡九曲而出崖口故云

巖

關秋色正清佳行時閱武仍於是舊部新藩率與皆緣
棧疑從畫屏度俯溪每聽綠琴諧常年命駕非耽樂

仁祖鴻模慎永懷

雨三首

海喇汗常靈應明易為雨亦易為晴重輜都過午圍罷
霑灑秋山合洗清

塞上靈應山蒙古語謂之海喇汗不敢直稱其名也凡車騎經過其側無

不雨雪俗云洗
山屢試不爽

空羅縹緲復春容塞上烟光每慣逢最愛雨收霞脚露
倚天玉積幾高峯

聲聲銀竹奏笙竽潤景寒山故愜予倚著方窗聊縱望
石渠似展米家圖

雪獵

一夜朔風吹凍雲高峯低谷皆皴玉雖寒不濕可三驅
連網周陸謝千軸供役左賢還右賢是皆慣馬且耐寒
習勞示矩可辭冷我亦因之試玉韉六霰時止復時灑

磬控疑驟藍田野丹黃青綠續銀陵塞景清都入吟寫
麗龜釋弼真快哉紫狐輕點祥花皚隄憶伊犁大於掌
官軍尚待歌歸來

於興安作

興安高隆崇如屏圍匝木蘭今上林歲歲行秋獵是
惟極北峯近天尺五業乾坤互開闔雲霧幻吐納荔丹
已垂實松青未落葉晚寒欲輕裘午暄仍細氍即景率
可會託興亦多愜執役來諸藩晝日每三接於焉示懷

柔寧云事威愾

放鹿

鹿鹿逾常夥開圍任赴榛聊因學宣牧

木蘭之獸本如苑中所牧留以

尊息亦欲取之不盡之意耳

匪欲博湯仁悠逝得其所分頒逮尚均

寧遼待取報明歲獵牲牲

羶廬

居安青嶂入選勝白雲平不漏原勝

平聲

瓦匪雕那藉費

蒼林禦風峭綠野坐霜清逐日張還拂於何著繫情

題張宗蒼山水

行勝藏弄幾多時
展開茲人宛在茲
倚澗閣如黏繡壁
隔松泉似落虬枝
逕穿鍾籛高低接
船傍菰蒲左右移
身去江湖更成古
餘風留得釣竿垂

哈薩克使臣至今隨圍獵並成是什

伊古從來化外蠲
間關馳使遠朝天
不知中土歲月日
乃隔長安萬二千
塞外便教預獵喜
山莊旋與錫恩駢
即今行國多天馬
附會誰窮太史編

哈薩克在漢為西域地史漢所記句

奴在北西南夷在西南西域諸國在西為最遠遠相傳
哈薩克為古大宛然史記言大宛為城郭之國則正今
之擲爾奇穆哈什哈爾及吐魯番一帶回部非哈薩克
也哈薩克雖亦回教而實行國與布魯特同俗又所稱
大宛產苜蓿葡萄今哈薩克亦絕無徒以產馬與大宛
相似然西北諸部何處不產馬耶蓋漢時大宛烏孫康
居奄蔡月氏扞采于闐諸國統為西域而大宛部落強
盛附庸者多哈薩克在彼時當是其部中之一國耳史
稱大宛東北則烏孫而土魯番之東北即厄魯特諸部
烏孫者蒙古語謂水也厄魯特逐水草而居史所謂隨
畜與匈奴同俗者也且今哈薩克在厄魯特之北是又
不同矣史稱大宛東則扞采于闐扞采音韻與今之哈
密為近史記之扞采漢書作扞彌又或作拘彌而史記
所載為最先漢書之扞彌或因字畫偶誤相沿不改展
轉訛謬至云拘彌則益失之遠矣且于寘于闐音聲迥
異二者之間必有一誤于寘絕無可考于闐產玉歷代

相傳今回部之和闐水多美玉當為于闐故地也益知大宛非定哈薩克明矣或又以哈密為古伊吾引歷代開田屯兵建設州郡為據然焉知非漢占伊吾之地屯田設戍而杆朶乃西遷近于闐而居乎又安知非中國浸微而杆朶仍來其故處乎在昔夷漢言語絕不相通所傳不免悠謬今文武將吏往來西域與行內地無異則史所謂大宛烏孫康居奄蔡月氏杆朶于闐諸國與今之厄魯特哈薩克布魯特挪爾奇穆哈什哈爾其同異大小皆可以次而徐考且歷代傳記西域諸國所云勝兵數百者其寔不過如今之準噶爾廿一昂吉之一回部賽里木阿克蘇等小城有一酋長即可稱一國之類耳設以今所定準噶爾哈薩克及回部相較則史所稱西域三十六國者不啻九牛一毛矣必執史漢為據則司馬遷班固並未身歷其地即至其地而語言不通文字不曉其傳訛有必然者故注其大畧如右

寄題哈薩克獨樹

有序

哈薩克西北隅有獨樹一株其上五枝盤拏陰廣
可蔽二百騎哈薩克謂之鄂埒引噶克义莫朶鄂
埒者河名噶克义莫朶者獨樹之謂本土爾扈特
所稱名也樹生河源久聞其語今問之來使信然
夫宇宙之大何奇不有然非實據見聞者奚足稱
焉昔既為長白瑞樹歌今復悉此物必有對其理
信然獨惜其遠處天末異域伊古及今文人學士

且不聞其名安能傳其實點筆紀事蓋不如漆園
寓物謬悠而已

獨樹鬱輪囷物惟久故神

哈薩克過其下者必膜拜供獻而不敢稱其名蓋如蒙古

之鄂博矣鄂博見舊作詩卷中

陰周二百騎歲閱八千春建木誰曾見

竒蹤我所詢依稀北谷子飣飯此修真

道書登真隱訣云飣飯方受西

梁真人時在大宛北谷

重九日張三營行宮賜蒙古王公及行圍人宴並

金幣有差詩以紀事

罷圍依例犒筵加施惠兼因荅歲華耐可行宮逢九日
雅宜應節見黃花朱提分賜一千騎一千二百獵騎舉成數耳文綺
均頒卅九家俗所謂四十九家王子者也蘇對何妨頻令預是日哈薩克使
者亦預宴由來澤欲不遺遐

木蘭迴蹕至山莊作

羽騎駉駉出哨歸山莊秋杪靄清暉寒魚怯與迴波漾
野鳥紛隨落葉飛籌政奚曾閒宵旰柔遐惟是驗從違
幾閒更復饒何事理詠頻因悟化機

錫宴駐行鑣乘閒興亦饒夕陽隱西嶺暝色逼疏寮月
上山空濶風過樹寂寥雲軒歸靜憩清夢或逢
堯

吟紅榭

霜染橫林沓嶂巔開窗遙對畫圖懸聊欣爛漫峯頭顯
莫慢飄零谷口填晚照每看霞影亂曉涼常浥露華鮮
徘徊欲詠還停筆兩杜先予早著鞭

萬樹園宴哈薩克使臣詩以紀事

萬樹丹青豔霽霜秋陽送暖似春陽多須深目遵典屬
鄂畚槎形二處皆哈薩克地名歸職方耀武未煩貳師李窮源底
藉鑿空張近安遠服休稱慶益勵吾心敬不遑

含粹齋

盡得風流入靜觀坐來渾忘杪秋寒虞鄉廿四品如較
一字於斯著亦難

巢翠亭

喬柯蒨蔚一亭幽雲海中間不繫舟謾道秋風紛葉落
檐間意足翠陰留

九月十五日賜哈薩克使臣觀燈火

九瀛一合貴山朝火樹依前絳蠟燒可識仙莊原月宇
只疑鹽澤接星橋霜林葉落還裝葉霞嶠標藏重去聲建
標惠遠行時詎尋樂謾稱預節賞元宵

熱河啟蹕還京即事

習武柔遐以次行驂驛六御啟歸程雲莊慢自留清戀

麥坂旋因閱宿耕駝圖每嫌野渡冷馬臆還趁暖曦晴
觀光率可從人願宛使何妨攜入京

哈薩克使臣求隨
蹕至京師許之

總河白鍾山等奏報秋汛平穩詩以誌慰

河溢去年秋實自孫家集爾時開毛城乃救燃眉急補
瘡益伏禍渟澱致五尺今春始悉故命築毛城亟束流
資刷沙多歧戒分力猶虞川弗受隄堰勞籌畫增高薄
者培怵惕塵日昃彭門昨親歷民艱愁目擊自夏逮深
秋何曾忘頃刻河臣報汛過更聞佳音悉新淤則已刷

五尺盡蕩滌十分尺之八舊沙加汰克通五尺八寸中
泓流暢直吾民免昏墊慶慰手在額繫古亦有言用人
乃君責前車失藻鑑儼轅害延劇前署河臣富勒赫不為先事預防以致孫
家集漫溢黃河幾至奪溜因治其罪勤劬緣救過匪侵河臣職設云
天錫佑或鑒誠脈脈

麥

入塞侵尋律轉暄依依麥色暎輕軒傳宣迺騎休馳突
餅餌生機箇裏存

築場納稼甫功完又播來牟綠壠攢辛苦更誰過農者
茅簷却鮮飽三餐

御園深秋

惠遠行時玉塞旋御園景閱杪秋天林光暖留去聲楓猶
續籬韻霜稀菊欲燃於澹泊中尋理趣非空色際忘言
詮底緣陡切心頭悶念到伊犁集賽邊

大西門樓前較射疊舊作韻

戊辰九月較射於此發二十矢中十有九詞臣齊

召南以七律四首進呈因用其韻勒之壁間次年
己巳孟夏

皇太后御樓觀射是日十中其九破的者三仍用韻紀
事項秋獮迴蹕九月廿有三日問

安之次引見樓下復命射屢中後懸的最小者亦再破
的適哈薩克使臣列觀班末三疊前韻紀之

朔塞迴鑾攜貴山扈隨經月六龍間視朝許厠千官末
將以廿六日進宮視朝亦駐苑聊乘數日間問
命哈薩克使臣入班行禮

寢敬趨

慈壽閣亮工敬對鷺鷥班疇咨已罷餘清暇較射令

平聲

觀駢角彎

漏言誰者犯無當跳兔爰爰脫大黃

阿睦爾撒納為官兵追急復投哈薩

克阿布賚留之欲擒以獻而為阿睦爾撒納所覺隻身徒步夜遁

愧我猶然失前箸示

伊空自擅穿楊銷兵惟塵肆時夏懷遠因教觀國光

議羅叉素應守

昔年俄羅斯請和與定十一條內彼此不食遁逃今逆賊已入彼想彼定當縛

送關下也待期縛送致封狼

南服災傷重洛嵩慙稱飢溺已躬同盱宵惟亟籌衣食
支訕何能適矢弓荒服却因至鵜鰈羽林况復恃羆熊
聯情示度聊親御連中休誇此素工

罷射平蕪一蹕鞭山光萬壽正迎前飛樓隱入丹霞嶠
畫幟衝開碧水天菊放恰疑金布地稻收喜看稊遺田
陪臣攜賞非驕富惇史傳將自此年

江南總督尹繼善奏報下河有收詩以誌慰

下河如釜底十歲九遇澇衆壑之所歸蒿目愧疏導昔

亦堅閉壩霖小頗收效

高斌為總河時堅閉五壩下河亦得豐收比至癸酉夏湖河並

漲仍狃於成見遂至潰溢成災

異漲乃僨事上下胥災告後人更鑒茲

開壩計稱妙昏墊數州縣歲惟賴賑糴長此將焉窮展轉為憂悼江鄉親歷覽熟籌畧知要與其臨事忙毋寧

先事料運河足浮送其餘應預耗更濬歸江路並驅尾

閘造

河工積習運河不肯早使洩水必至滿院不能容受反至潰決隄岸一往而不可禦且下河支流淤

淺水無所疏今年南巡察知其故因命河臣將運河東壩減低俾水資浮送而止其餘者以次徐下更濬歸江

歸海諸水道以暢其流預為受水地水今秋幸獲收大

吏佳音報南望為額慶溝壑免顛倒慶矣繼生愁徐沛
仍泥淖

孟冬齋居

銅人陳瑣闥玉漏靜楓墀秋獮纔成事

冬嘗又屆期齋躬屏燕樂問政切疇咨亦未紛馳念欽
思

志意時

孟冬時享

太廟禮成紀事

吉朔修

嘗進吉蠲

假思仰冀意顯然

洋如在上原一脈勿替引之於萬年三獻禮成八佾舞

小春律在五絲絃午門迎送增蘇對

外蕃貢使例於午門前迎送是日哈

薩克使臣在列

祖烈今揚西海邊

十月朔日頒朔作

敬授斯稱重明時敢不虔龍杓弦望辨鳳闕典章懸堯
帝羲和命大清億萬年銅儀惟是在稼政莫茲先布朔
禎祥始班和象魏前伊犁哈薩克從此入華編時憲書
前備列
各省暨外藩諸部節氣及日出入時刻平定伊犁後特
命何國宗率西洋人遍歷西域諸部測量今年始增入
書頒行

雜言

吉莫吉於知足半途亦戒中止安莫安於忍辱近勇亦

在知恥長莫長於博謀築室不潰於成先莫先於修德
神聽中和且平似是而非理難悉曰失而得事難必養
雞者不畜狸牧羊者不畜豺智貴決疑明貴任材君辱
臣死樊噲庶幾布曰當斬奪理強辭或誠限於時勢則
非我之所知唾面自乾世頗有是可與之言事否

舊衙門行宮即事

樸斲軒楹翰墨筵老榆晚菊景清妍春秋蒐獮尋常憩

來往光陰卅五年

予自十二歲隨
來此至今蓋三十五年矣

皇祖

見獵寧關

動心喜習勞率欲以身先洛邨服射非嫻射

時哈薩克使臣隨圍

無一善射者然見馳馬連中無不心服國家弧矢之威示度因人有別權

重修德壽寺落成詩以紀事

閱歲祇園致鬱攸經營深意緬

前猷

寺建於順治年間

世祖

聖祖南苑

固知

行圍常所臨幸前歲不戒於火特勅重修

一切有為法作如是觀無可留盡洗何妨萬緣淨重提
依舊四禪修從茲法雨霏金地澤潤蒼生百億秋

海會寺

城南佛宇道東陞慶落重看綽楔碑

寺建於明神宗時有張居正碑文歲

久頽圯因勅重修時甫落成因往南苑之便一臨瞻禮

見說神宗受釐處更思張

相迓衡時往來久是惜零落

此寺為南苑往來必經之路少年時即見其零落矣

近以帝京觀瞻所繫凡傾圯不堪者或歸併淨除或量加修葺所司適告工竣

構築無過葺廢

顏帝里觀瞻法輪煥寧關修福六檀施

冬日視朝

百寮劔佩集明廷班末陪臣贊謁聆

是日哈薩克使臣行禮

黃道

星辰聯畢昴小陽節候靄元冥東鷁西鰈誰分域

琉球使臣

適亦隨班叩闕
北極南荒一太寧
遠服邇安心敢肆敬

天勤政

訓聰聰

雨

十月廿四日

達夜同雲傍晚濃冬暄為雨灑
零協時曰豫猶悚我
敷澤何殊總利農
獨憚素輸梅已放
羣欣潤趁麥方封
微寒開霽憑高望
玉積西山一帶峯

雪

冬至月朔日

問夜同雲布詰晨密雪披祥徵子月朔信速十朝期

是月

十一日
冬至

玉海得真趣天山繫遠思上林紛可望花滿萬

年枝

雪後瀛臺即景是日復雪

已喜公田三寸滋又看仙島六花蕤非烟非雨有如是
於畫於詩無不宜細糝長空方緬邈遠綏曲岸漸迷離
竹鑪雖具何曾試今日幾餘可試為

冬至

園丘禮成述事

配藜佳氣婉樵蒸奠璧

園丘祖業承日在駿狼欽敬授陽迴堪黍著明徵於昭
陟降依

左右敢曰馨香薦豆登寧遠尚惟希

景祐

阿睦爾撒納逋竄未獲
西路軍務尚在籌辦

持盈更益勵兢兢

仲冬香山即景禱詠

隔歲峯容傍歲闌乘暄謁覽不知寒今來偏有相應處

積雪西山待我看

西山積雪坊立於香山
今冬始遇真面目也

翠纈紅敷亦底為試看慘淡是真姿因之便欲蠲紛慮
靜悟貞元初起時

管收寒鳥籟藏松只有幽泉尚細淙便擬搯琴一寫韻
徽絃端是中黃鐘

好山大略一觀諸雕績偏輸素在初逐景題詞今且置
亦因稿本寫無餘

向來每至香山遇佳處無不留句茲
以詩稿所餘篇幅不多故爾簡詠

雪

冬至月
十八日

靄靄纔過午浮浮遂灑空密敝簷瓦碧朗映閣梅紅積
素連前度敷膏仰化工明朝趨臺畔試步玉玲瓏

徐州石隄成詩以紀事

去歲秋河決實因蟻穴漏而何文過者尚稱未奪溜諗
知乃明罰患成已無救上旁溢波滔下細流沙留彭城
當其阨川狹人烟輳杞憂誰則無蒿目乏綢繆叶今秋
不可問萬口如一就聞之為悚然怒如調飢憊人可謝
無策我寧得旁售違議一親視

南巡時欲親至徐州有司及從臣率以道多積

潦為辭朕排羣議決往乃得
親臨周視指授審防之策

民艱驗災後於無可如何

下策悉心究石隄舊雖設間作或缺透發帑令補足代
賑惠民又惟是舉鉅工成匪一時驟夏秋數月間南望
輒眉皺幸報兩汛過額手感

天佑柏冬工亦落崇墉牢且厚以視菱礎固倉卒或可
守從此黃樓邊閭閻安枕宿叶救急誠少慰永遠正難
觀

戊寅春帖子

歲籥將迴換春旗引吉祥樓頭看積雪臺上迓青陽

首春欣值甲

是日甲申

紀歲恰逢寅木德符滋養熙熙緯未

人

玉局龍圖尋妙義陶泓毛穎稱清陪北溟却盼佳音遞

時正待俄羅斯縛送竄賊阿睦爾撒納之信

願共東風速到來

歲暮各督撫奏民數穀數冊詩以紀實

戶口增寧非盛事廩倉艱每廩先憂誰云歲暮簡幾務


酌劑其間慎體求

除夕

桃符燦閭闔玉琯轉昭華詩與歲同餞興和春正賒滴
酥成吉字鏤勝是祥花奉若青陽律宏敷萬姓家



御製詩二集卷七十四



總校官庶吉士臣侍朝

校對官中書臣馮培

謄錄監生臣張孝基